

各渠歲舉老成正直一二人充渠長給木戳以專責成
渠長下設水巡數名查水之上下又設溝頭數名理渠
之通塞至於引漑凡各村總滙地俱設陡口一座平時
則閉需水則開輪日按時週而復始繇近及遠繇高至
卑無違渠制自無爭截之弊

宋太平興國三年正月甲午浚汾河 是時太原未平所

浚者當自趙城以下

徐彥伯汾水新船賦水之積也厚船之動也捷迴翔並驚識波上之雙鳧

倏忽孤飛見天邊之一葉

太平縣

豁都峪尉壁峪渠

豁都峪西北三十里侯村北尉壁峪西北一十五里尉村北二峪水胥繇鄉寧縣西

來

侯村莊縣北二十五里旱渠二道漑地一十六頃有奇